


陰涼軒日録
長祿四年三

内閣文庫	
番號	和 15792
冊數	16 (6)
函號	163 82

内閣文庫	和書類
一五七九二號	一六冊
一六三函	六架








慈照院殿御代

日録

長祿四年庚辰從正月至十二月

寛正改元

淺草文庫



目錄

長祿四年庚辰

正月

一日

御誕生御祈禱

三日

四日

五日修凶滿散

當院宿忌

六日

七日

八日

九日

十日

十一日御相伴諸長老參賀也等持院竺雲和

尚麻苑院瑞溪和尚崇壽院龍崗和尚相國寺
修山和尚等持寺松西堂西堂蔭涼某 御對
面所御對面如恒也

十二日來十六日御祈禱 十八日當院并蔭
涼間物御成之事伺之

十三日

十四日來十八日懺法於觀音殿自今月可破
修之由又十六日御祈禱御布施御用脚之事

可余于飯尾左衛門大夫之事伺之

十五日

十六日御祈禱如旧也 於御鬢取白案内奉
始也但洪藏主被白之

十七日奉報來晨當院御成煎點并蔭涼間物
之事也

十八日早晨參而奉報當院御成之事也 本
坊御成御点心自客殿御成于御取之間御手

水煖懺法御銘被遊也九州使節天童寺煖起
西堂為被下真如寺公文以前正月又二月公
文御判被遊之旧例應永十二年二月五日清
見寺明起西堂同三十四年正月十七日加賀
国安因寺元演首座飯尾加賀守旧記在之又
永享十年正月九六日東福寺琴江西堂同十
一年二月十三日相国寺再任用別和尚以私
記錄披露之以故起西堂公帖書上由被仰出

也 天童寺僧棲巖頭景詢唱食景温唱食書
立之景詢唱食有御点唱食棲巖頭守勢唱食
景般唱食壽翁唱食周音唱食書立之守勢壽
翁兩唱食有御点 又度僧之書立景詢唱食
周款唱食乾晃唱食伺之景詢唱食以為棲巖
頭周款乾晃有御点也 自本坊佛所向御成
于蔭涼軒等持院主為首之故奉接之於客殿
間物饅飩有之扇子北本高檀幣十帖献之御

相伴衆各襪子一足杖原十帖也某乃除之送
礼乃當院主為之於御所間御手水聊泉水御
一覽又御成于本坊御香自御取間如元御成
于客殿也扇子北柄高檀幣十帖見献之御相
伴衆各同前院主乃除之香罷於御取間御手
水遂於昭靈御燒香乃還馭也來日方丈御成
奉報之御成已后院主參殿御礼以普廣院殿
先規自去年被畧之故當院主并某不參也院
主瑞溪和尚也

十九日早晨先奉報方丈御成也 方丈御点
心 真如寺之新余俊超西堂公帖御判被遊
矣 建仁寺僧棧巖頭宗龜唱食中悰唱食以
上首有御点也 唱食棧巖頭智載唱食瑞淑
唱食以上首有御点也
長老修山和尚退院之事御免許但以脚疾也
今月中可有住持也 奉報來晨普廣院御成

也 長老參礼于當軒也

九月早晨奉報普廣院御成之事也普廣院御成先於昭堂御燒香管領御相伴以旧例詩參御扇子九柄高檀紙十帖御相伴歟秋原各十帖襪子各一柄東福寺僧棧嚴頭慧芳唱食堅棟唱食以上首有御几点也唱食棧嚴頭允晃唱食見佐唱食以上首有御几点来廿五日殿中恒例御煎占御相伴衆可被詩參之事為御

使可報申之由被仰出也来廿三日七觀音為御代官可詣之由被仰出也但以恒例之故伺之御成之御礼諸院主就去年被仰出被參于蔭涼軒之由披露之以旧例往各奉報来廿五日可被于參殿中之旨速還謹白諸老領掌之旨也

又一日奉報来晨勝定院御成煎點之事也奏者畠山七郎披露之以例日故無御出也

九二日奉報勝定院御成御点心之事也勝定院先於昭堂御燒香御点心後於御所之面伺正脉院前真如寺崇奩西堂依為器用被定之事也 扇子廿柄高檀紙十帖獻之枚原十帖襪子一倆御相伴衆領之院主俊雲西堂為御礼被參于當軒也 来廿五日殿中御点心給仕報之蓋旧例也

廿三日為御代官以旧例詣于七觀音還歸以畠山七郎披露之明日寺持寺御成御延引之由以伴勢兵庫助被仰出也但今日管領御成睡困之故御延引前御成有旧例之由被仰出也即寺持寺遣狀報廿余也昧早詣于七觀音遂參于御取奉報參詣并来日寺持寺御成御点心之事也

九四日奉報来晨殿中御相伴 諸老被參又御点心自東方可入也依之諸長自東河被參

之由被仰也普廣院御燒香晚來可有御成
之由被仰也今晨等持寺御成依昨夜御賜
因御延引也普廣院御燒香七鼓之過可有
御成之由以伴執兵庫助重被仰也

九五日早晨奉報御相伴諸長老被參之奉也
聽五鼓申御點心案内聽四鼓白御齋案内等
持院主竺雲康苑瑞溪崇壽菴相國修山
等持寺松西堂蔭涼某御小袖二重跕子一

端盆一枚杓原十帖各拜領某持參各有請取
之折紙洪藏主并御前給仕洪漸唱食周蕙
唱食御相伴給仕齋佺信京仙壽顯美恭慶
陽各一重十帖拜領請取者寮坊主有加判也
集香陽三降膳砂礮樣羹馱腸羹饅頭索麵御
菓子七種御齋御菜有九五種也三之膳在之
御汁有五種也齋後有唐餅也御茶子有五
種也御座式御對面取西首東尾奉報杓月宗

壽院御成也

廿六日奉報崇壽院御成之事并昨日御相伴
衆御引物持參拜受忱謝之由於御鬢取披露
之崇壽院御成先於昭堂御燒香御點心後於
御取間伺 御相伴衆內度僧齊佺唱食等仙
唱食 僧棲嚴頭梵辰唱食慶陽唱食以上首
有御凡点也唱食棲嚴頭瑞受唱食等凡唱食
兼泰唱食慶珠唱食以上首之器用有御凡点

之南禪寺僧棲嚴頭乘珍唱食啓祿唱食以上
首有御凡点也唱食棲嚴頭嚴春唱食芳宗唱
食以上首有御凡点也 前年唱食棲嚴頭齊
佺唱食以度僧為上首有御免許也信京唱食
雖以為下首被除之其謂披露之昨日御相伴
并洪藏主御給仕唱食御引物拜受之請取折
紙於崇壽院奉懸于御目也前夜青蓮院御成
還馭到深更之故今朝披露之來十九日等持

寺御成擇吉日伺之今月廿四日御成御延引
之謂也

廿七日早晨奉報來日龍雲寺御成御点心之事
以伴勢備中守白之前廿五日諸老引物拜受
之請取折紙春阿方遣之

廿八日龍雲寺御成奉早晨奉報之龍雲寺御
成御点心當寺御相伴御給仕本瑞唱食兼球
唱食寺昇唱食兼固唱食慶珠唱食伺之衆寮

諷經瑞就唱食伺之但衆寮諷經以前雖無伺
之以為御相伴給仕故也 前麻苑宝山和尚
代周妙首座為紀綱以壽寬藏主為御相伴給
仕羗季之旧例也卅由披露之奉報來日寺持
院御成南禪寺棧嚴頭前廿六日雖伺之每年
於龍雲寺故召南禪紀綱遣御折幣也

廿九日寺持院御成之事披露之寺持院御成
先於昭堂御燒香煎点院主竺雲和尚御扇子

九柄高檀紙十帖被獻養源軒敷地之事以長
老修山和尚之狀白之依御成可被申被望白
御免許之由被仰為也以差圖懸于御目也召
侍衣光圭藏主都圓修造司米納取此地可渡
于養源軒之由命之來月皆御成御齊之由白
之但別而節御成或有御点心也追年記錄二
月九日寺持院御成之由在之故以旧例伺
之御成在之與寺持院侍衣評之來二月中御
成書立獻之養源軒之敷地為後證以長老修
山和尚之狀留之

晦日當寺長老修山和尚退院 前日寺持院
今月中限之可有御免許之旨伺之以故今日
退院有之退院後為御礼被參于當寮之由春
阿披露之

二月

一日自聖護院公方様御代始御成之時被獻

古佛之旧例以春阿被尋下就院主尋之或見
記錄不敢見故奉答卅旨也蓋普廣院殿御代
始之旧例被尋下也聖護院御進上本尊者觀
音胡銅之像銀色厨子并胡銅之臺於院主瑞
溪和尚被預申但請取之狀被獻之春阿奉之
二日御誕生御祈禱如恒也例日無御出故洪
藏主疏之御銘代奉書也御頂戴本尊於御出
之時御頂戴之由於洪藏主答之但見于旧記
錄也

三日當寺新命周賢西堂澄期西堂以旧書立
伺之以賢西堂被仰定也真如寺新命以真頌
西堂伺之即御書諾也 常德院發向于普廣
院之張本三人可出之由以伴勢守被仰付于
飯尾左衛門大夫也 卷源軒所請取之新地
羗園懸之御目也當寺入院可為十五日以前
之由被仰出也御誕生御本尊昨日無御出於

今晨御頂戴但洪藏主持參之

四日天童寺御相伴給仕等因唱食妙堅唱食
壽言唱食周造唱食書立之伺之常德院罪人
之事伴勢守嚴余于飯尾左衛門大夫愚老命
之蓋前日被仰出之旨也

五日奉報來晨雲頂院御成之事也今日申刻
御會取上棟

六日早晨參奉報雲頂院御成於本坊御点心
又於集雲軒御齋之事也 本坊御点心後於
御所之間相因新命周賢西堂真如寺新命真
頌西堂公帖御判被遊也奉報來日大智院御
成之事也 齋罷於集雲御所之間被御覽御
所新造輪奐之美也御扇子北柄高檀紙十帖
如旧例被獻 御相伴衆杖原十帖襪子一倆
各拜領御會取上棟御礼今晨公家武家御礼
被參也御相伴衆翌晨可被參礼之由奉報于

諸老也 雲頂太元集雲大主為御禮被參于
當軒也御扇子高檀紙自雲頂院并集雲各被
獻之 集雲無住持故請雲門菴大主和尚假
為住持被參于御相伴也

七日早晨奉報大智院御成之事也 前五日
御會所上棟之御禮御相伴衆參最先御對面
大智院御成御齊御扇子北栢高檀紙十帖獻
之枳原十帖襪子一倆各受之院主伯芳西堂

為御禮被參于當軒仁和寺之保安寺御成之
事以旧例伺之以來九九日被仰定也以保安
寺之御書奉懸于御目御成始之故煎占有之
御相伴庶苑院愚老可參之由被仰出也來十
三日當寺入院擇吉日之事伺之建仁寺之御
給仕書立正荀唱食章茂唱食伺之御凡点有
之御寺入院必有御成否之事被尋下大畧御
成之由披露之

八日以淺黃紋紗御掛絡可被縫之由以春阿被仰也

酉刻地震

九日早晨奉報大德院御成之事也大德院御
齋一色殿御相伴被參當院御寄進之請取
奉懸于御目也 御掛絡之事以春阿被仰也
明日御掛絡被掛有御覽而可被仰付之由以
春阿被仰也種首座鎮書記命之御扇子九柄
高檀紙十帖被獻也御相伴衆如恒也今月中

御成書之獻之

十日早晨奉報來日常德院御成事也御掛絡
之寸尺之事明日可被仰出之由以春阿被仰
也常德院罪人之事依伴勢守不出仕而今
晨披露先圖之

十一日奉報來日德雲院御成之事也 常德院
御成御齋以嚴命被責常德院罪人未出之怠
慢之事若尚怠則向後不可被圖召常德門中

之訃詔之由被仰出也仙岩和尚可有在洛之
由被仰出也被出御掛絡之本以唐紗可被縫
之由以春阿被仰出也春種軒泉水被御覽之
故俊侍者獻于足被參于御所也御扇子北柄
高檀紙十帖御相伴衆枚原十帖襪子一倆各
受之御掛絡唐紗二丈二尺八寸内九尺六寸
鎮書記請取之相殘分春阿渡之

十二日早晨奉報德雲院御成事也 德雲院

御成御齋光於昭堂御燒香御扇子北柄高檀
紙十帖獻之御相伴衆枚原十帖襪子一倆各
受之奉報來日當寺入院御成并其時刻可申
案内之事也 自南禪寺被獻耶鄂一端以春
阿披露之以其不好故被返下即達于寺家也
十三日當寺天英和尚入院依御虫氣無御成
也 御歌御會御延引也

十四日早晨奉報來日當寺都聞寮御成御点

心之奉也

十五日早晨奉報都闡寮御成御点心之事也
都闡寮御成御点心棧嚴頭梵辰上坐所定伺
之唱食棧嚴頭前九六日於崇壽院伺之故今
晨聞之

都闡梵寅都聞也

長老天吳和尚始御

相伴被參也方丈御成之事伺之伺吉日可申
之由伺之仙岩和尚以上命即上洛之由披露
之御小袖三重盆一牧香合一箇高檀紙十帖

枳原十帖獻之都闡持獻物參于御所御礼白
之 洪藏主披露之棧嚴頭之書立紀綱兼慶
藏主於都闡持參之 寮_レ 仙岩和尚可被居
于万松軒之由被仰出也即召禱首座并容藏
主命之

十六日來北九日方丈御成之事伺之以來三
月始擇吉日可伺之由被仰出也春阿奉之即
命于方丈也

十七日早晨奉報來日法任院御成奉也

十八日^早晨奉報法任院御成也 法任院御

成御齋來月六日方丈御成吉日擇之伺之奉

報來日寺持寺御成之獻物如年始之恒也懺

法如恒前年正月十九日壽峰禪尼佛曼於雲

沃軒被管之分九貫文御賣物桂裝御盆一牧

御香合一箇 堆紅拜受 但叔井方請取之春阿奉之

十九日奉報寺持寺御成也正月廿四日御成

御延引之故今晨調御点心故披露之寺持寺

御成先入佛殿御燒香於方丈御点心義作因

理濟寺正翼首座越中國長福寺宗首座駿河

國清見寺周智西堂公帖御判被遊也 仙岩

和尚住居于方松軒之由披露之

廿日 廿一日

廿二日以魚御出之故退出也蓋依御虫氣也

廿三日依御虫氣魚御出仍來晨當軒御成延引

之由以伴勢七郎衛門被仰也 普廣院既
來可有御燒香之由被仰也

前十一日唐紗御掛絡之事被仰付于鎮書記
也 今日縫出而以春阿獻之來月六日御持
佛堂御本尊可被安置申之由預以春阿被仰
出也 即今以鎮書記進上淺黃唐紗之御掛
絡為本以種首座被縫南蕃絹縫御掛絡可獻
之由以春阿被仰也 蓋種首座所縫之御掛

絡者去年十一月十九日之事也

九四日晚來普廣院御燒香之事不遲奉督而
閣之蓋以前日被仰出之故也 長得院唱食
之掛絡之事被仰出但爾之時可有掛塔之由
以春阿被仰出也 召侍衣命之長得院松月軒
正光唱食即今依有爾被免掛塔之由侍衣來
而報之普廣院七鼓時分御燒香并正光唱食
本掛塔之事被仰出也 春阿奉之
為御代官詣

于清和院也 正光唱食本掛絡之事依被詔
重以春阿仰出也雖無闕免許之

北五日魚祿出也

北六日同

北七日御泉水之石今晨山名殿以配分被引
也

北八日今晨魚祿出雖然奉報来日保安寺御
成御点心之事也伊勢肥前守披露之

北九日仁和寺保安寺御成煎點御小袖三重
御扇子北柄高檀紙并枚原各十帖御点心後於
御所之間任持御對面備後因護因寺受首座
備前因臨濟寺宗祐首座肥後因澤土寺景琮
首座公文御判被遊也来月十二日香嚴院御
成同十四日不壞化身院御成之事伺之任持
自御末為御礼被參也 来月十五六日比叵
芳寺華稍可開乎之由任持被白之由披露之

三月

一日

二日御祈禱疏御銘被遊也 伺南禪寺佛殿

勸進之事於洛中而人別一文勸進先規東福
寺佛殿被勸之例披露之依之御奉書可被免
之由被仰出也即命飯尾左衛門大夫也自南
禪寺之狀遣于奉行方也常德院之罪人早可
被出之奉重以伴勢守并飯尾左衛門之大夫

并飯尾大和守被命于万松軒也御持佛堂本
尊来北七日可被安置申之由春阿報之南禪
寺佛殿洛中一文勸進之事以東福寺佛殿虎
關和尚勸進之例自南禪寺白之今晨以世例
披露之以故御免許也

三日 四日

五日奉報来日方丈御成之事也就卷源軒被
競望洞雲之敷地之事飯尾美濃入道披露之

雖然於寺家當院主并是老其子細被尋下也
仍長老諸東堂評定衆於當軒列參魚謂之由
被嘆申明日可披露之

六日方丈御成御拜御小袖三重盆毘子高檀
紙枚原各十帖獻之卷源軒北敷地洞雲之跡
罷卷源之競望可免大周和尚塔頭之旨依寺
家被申可被免之由被仰出也 善入寺領不
入并安堵御判之奉伺之先御代御判奉懸于

御目也大上様以御狀當年六月廿六日嚴中
和尚當三十三回忌故大智院伯芳西堂當寺
公文之奉有御申也追來當寺長老進退甚難
不可蓋曰名尊宿曰大上様之師曰吹噓有其
謂也以院主瑞溪和尚以世謂御領掌之由披
露之是故御免許之由被仰出也於以後任院
年期未滿不可有御免之由被仰出也即命于
院主也洪藏主自大上様於院主蒙使命又日

法卷之義而子足折紙聊被白御禮也大上様
御狀為後證置之寺持寺長老松堂以梵監寺
勘定之怠為公方可預御成敗之旨被白披露
之命于寺持寺奉行飯尾左衛門大夫也西
芳寺華之盛同來十七八日之比歎之事被白
重可註進之由伺之養源洞雲爭論之敷地以
指圖奉懸于御目也長老天吳和尚為御禮被
參當軒也

參當軒也

七日前日鎮書記被縫之南蕃絹御掛絡以春
阿被出而環可着之由被仰出也今日鎮書記
呂之料南蕃絹御掛絡着玳環旧南蕃御掛絡
着象牙環也南蕃絹相殘分御掛絡一分可有
之云被為本淺黃之御掛絡并餘絹以春阿
渡之新裁御掛絡今日故明日可献也

八日東福寺栗棘菴末寺藝州栖真寺就国人

違亂以狀被嘆申披露之 養源敷地之事重
披露之 昨日綁掛絡以春阿猷之召布施下
野守若黨而命栖真寺所伺之事也 自粟棘
庵之狀遣于東福寺奉行布施下野守方也

九日

十日土岐美濃守依高麗藏經看岸 為御礼
獻五千疋有狀披露之高麗使船欲來于日本
於高麗與 對馬之間值惡風二船共破損雖

然日本船則無恙自高麗返狀并進物共失之
宗刑部少輔就于 伴勢守被管蜷川式部丞
以狀說世謂以之披露之等持院竺雲和尚退
院之期限今月之由被申雖然暫可有御住院
之由被仰出即以狀報尊命也 以鈍和尚等
持院住院之御吹噓被轉于麻菟寺也世旨白
于院主瑞溪和尚也寺院雖有還附取之年貢
怠慢為寺奉行者嚴可致其披露之由以伴勢

守於諸奉行被仰付也以鈍和尚但康苑寺退
院之時被仰付也以鈍和尚兼依被望申有御
絢束也

十一日奉報來日香嚴院御成之事也大上
樣就大智院伯芳西堂出世之事以狀被謝奉
懸于御目也大藏院被預下之御禮謹白之聯
輝軒庭松之株可被召之由以千秋被仰出也
即召聯輝之僧命之侍官命之重出也

十二日香嚴院御成御齋先於昭堂御燒香御
小袖三重御扇子北柄高檀紙杖原各十帖以
每年之例被献之建仁寺長老永松就山門造
營御寄進未進之事以狀被嘆申可命于飯尾
左衛門大夫之由被仰出也洞雲之敷也為大
周和尚之分渡于崇壽院山園和尚之由又等
持院竺雲和尚退之事御抑留辱之由披露之
大藏院公夏重披露之 香嚴院修山和尚為

御禮被參于當軒也

十三日奉報來日不壞化身院御成之事也

十四日不壞化身院御成煎點 於佛殿御燒

香御小袖三重盆一牧毬子一端高檀紙枚原

各十帖被獻之雜掌吳林獻子足奉懸于御目

也 住持被參于當軒也 還馭之時室護院

梅華被御覽也來九日西芳寺為華之御成之

事伺之來九日妙法院御成於興善院可被乘

御輿之由被仰出也

十五日今月中御成書立獻之來九日西芳寺

華之御成之事昨日定故今晨獻之大藏院一

翁老僧点檢之事飯尾加賀守并同左衛門大

吏以伴勢守被仰付也

十六日天童寺尊氏御置文回祿之時失却之

公方重被遊而可為山門之珍之事以諸老速

判伺之可被遊之由被仰出也諸庄園年貢未

納怠慢之事嚴龜被仰付之事於伴勢守茅宅
召寺家之評定衆并奉行可被尋究之由於伴
勢守直被仰付也即於院主瑞溪和尚世命也
大藏院公事之時寄宿之老僧一翁老僧誤逢
衆今朝召常德院之僧三數輩使之点檢也飯
尾加賀守同左衛門大夫判断之使一翁還之
天龜寺被白之事伺之遣狀于天龜寺奉報上
意之趣也

十七日來日御頂戴之光明真言塔之仰写一
卷遣于洪藏主方也

十八日懺法疏銘被遊如例洪藏主白之天
龜寺之御置文寺持院殿并庶苑院殿御置文
一本書而可獻之可以之可被遊之由被仰出
也

十九日奉報來日西芳寺御成事也 昨十八
日於勢明宅諸奉行与天龜寺評定衆寺管共

判寺家之訃詔云

九日西芳寺為華御成御齋於佛殿御燒香為
妙法院御成於真善院被乘于御輿矣侍奉迎
之真善院之坊壇於所御緣謹白御成之御禮
獻御盆毘子枚原十帖奉懸于御目也真善院
檀紙那土岐美濃守參侍而在于寺中蓋御成
為警固也卅由披露之 西芳寺獻香茶干介
蓋旧例也今日魚乘舩也

九一日天竜寺都闡書立真增都闡乾高都寺
伺之以其器用以乾高都寺有御点也 大藏
院就一翁僧奉訣而被還之由披露之

九二日天竜寺常光国師御置文重廉苑院瑞
溪和尚書而可被置之由被仰也 土岐美濃
守依高廉藏經入洛為御禮獻九子足也以卅
九子足為正月十六日大般若經御布施可下
行否之事伺之可下之由被仰也 御持佛

堂鏡之機緣重書而獻之若王寺為看華御成也

九三日奉報來日當軒御成之事也

九四日當軒御成江州延福寺祥苜首座尾州光音寺宗樹首座勢州南陽寺妙準首座公文御判被遊也 雲頂院昭堂造作之事披露之還附未成之事并始所之事伺之詣于清和院但為御代官也濃州雲頂院末寺竜門寺

諸役免徐之事伺之但庶苑院殿并普廣院御燒香 御地藏像御頂戴如旧例但洪藏主被白之

九五日

九六日大德院二月九日高檀紙一束壹貫五百文大智院常德院德雲院法住院寺持寺嗟峨不壞化身院雜掌吳林進上子足相国寺天吳和尚入寺以後之御成三月六日御小袖三

重香合盆毘子高檀紙枚原各十帖代付九九
貫文 相国寺梵宣都園二月十五日之御小
袖三重香合盆高檀紙枚原各十帖代付參拾
貫文洪藏主三月六日於方丈就于伯芳和尚
當寺入寺之事被仰付以為法春之故被申御
礼也 土岐美濃守藏經着岸之御礼献五千
疋以之可為正月十六日於御所大般若經御
布施之由伺之雖然春阿御下行方之事伺之

定之是故今朝伺世由也正月五月九月御祈
禱布施不可怠之事以伴勢守被命于飯尾左
衛門大夫也佛護堂御本尊地藏像今朝御選
座有之上所記之五箇寺高檀紙五束之代七
貫五百文也 公方様已刻參詣于七觀音也
直御成于高倉御取蓋依着華也

元七日佛護堂諸佛之厨子今晨雖持參之晚
來可持之由以春阿被仰出也 今晨魚御出

蓋餘醉之謂乎

九八日佛護堂御書院棚之上御書籍置之但
冊內之御書籍以外記并法眼令春阿被召之
日記有之南方楠木一族于東寺四塚被誅戕
云
云
九九日白磁觀音可補其闕之由以子阿被仰
出也

卯月

一日為北面御藥壇被栽千秋被尋當飯草也
故以當飯草一叢獻之

二日御誕生御初禱疏御銘被遊如恒洪藏主
被伺天龍寺御置文等持院殿并康苑院殿之
御自筆之御書命于寺奉行飯尾加賀守被書
之別而追兩御代御書可被成御判之由被仰
出也即以伊勢守被命之大藏院松梅院常徳
院之對訣之事今朝諸奉行披露之

三日正脉院領訖詔之事伺之即今于飯尾加
賀守也 江州岩峯并伊豆国布施民部丞押
領兩条之事也當飯草一兼被移于北華壇雲
頂院外堂之後檜可裁之由以結城勘解由丸
衛門尉被仰付即命于雲頂院寺管納取并出
管也但來秋可裁之由有尊命也

四日十四日雲頂院御成之事伺之大藏院御
免許之由被仰出也蓋以伴勢守之比判而奉
行五人披露之

五日為大藏院御免許御礼献胡銅香爐一箇
枚原十帖献之懸于御目也但伴勢守披露之
御持佛堂白磁觀音修護之献之 但于阿奉之
稚筆小折一合自公方被献于普廣院殿真前
也請取有之

六日當院廉苑院殿御月忌如恒也

七日依御不例魚御出也 今月中御成之書

立以伴勢兵庫助獻之

八日今日戌刻御會所御移徙定也 某刻御

相伴之大名參賀有三獻之御祝宴云

九日奉報來日積善菴御成之事也 盛都園

依被召上即上洛之由達于春阿也蓋以公物

為質物之謂也

十日積善菴御成煎點御點心以後祠堂御燒

香積善之額可遊之事伺之伴勢守為檀那白

來晨御會
所參賀之
奉奉報御
相伴家也

之御小袖三重盆一牧香合一箇高檀紙枚原

各十帖獻之 住持雲岩和尚龜華院為還附

於積善菴獻盆段子枚原奉懸于御目也龜華

院本坊未落成故如此

十一日御會所參賀 寺持院竺雲 康苑院

瑞溪崇壽院龜崗相國寺天英 寺持寺松堂

蔭涼某各獻十足之紙於御會所御對面公方

御座在東方上間但以伴勢兵庫助先規被尋

下与麻苑瑞溪和尚談評而御座在上間之由
披露之仍御座在上間也

十二日例日不參也

十三日早晨奉報雲頂院御成之事也但来日
結制之御成之事也

十四日雲頂院御成御齋如是院舜徒西堂
献盆一牧毘子一端高檀紙十帖奉懸于御目
也但如是院還附之御礼也本坊未落成故先

白之 正脉院領江州岩根郷松建彦兵衛可
被召籠之事以院主宗爽西堂訃狀白之即命
于寺奉行飯尾加賀守也 齋後佛殿御棧敷
御聽聞棧嚴會僧并唱食而還御也来日乘拂
可有御聽聞之由被仰出也 寺持院竺雲和
尚被抑留等持院退院之御礼聊献小盆毘子
板原参謝于御取奉懸于御目也御小袖三重
御扇子北柄檀紙十帖板原十帖献之雲頂院

主則大元和尚也

十五日東拂御成可申案内之由今晨披露之
午後八鼓之前申案内即法堂御杖敷御成自
前至書記還御也 山名一色被參也

十六日常德院被召出罪科之僧二人被出之
與伴勢守共披露之大藏院與松梅院之借物
之公事來十九日為奉行可有披露之由被仰
出也 即命兩奉行

十七日常德院并万松軒依彼罪科之僧二人
出而彼門中御允許之由被仰出也來十九日
可有參禮之由伺之

十八日不例不參

十九日常德院寮堂万松仙岩和尚盆段子板
原各為罪科之僧出之門中安塔之被仰出依
之被參于御所也天童寺御置文事與伴勢守
伺之

九日真乘寺御成煎點 御點心以後於御所
之間小宴也 雲頂院領駕嶋庄福島修理進
於地下致緩急之事伺之以御奉書可被罰也
正脉院領江州岩根卿就建松茂兵衛父子之
事可被成御奉書之事伺之自真乘寺之御引
物自女中様為任持御持參也大藏院與松梅
院之云事伺之

九一日天竜寺御置文等持院殿并麻苑院殿
觀應至德御書御判被加御判并御書為後證
也飯尾加賀守調之持來也即召天竜任持梅
室和尚渡之

九二日依御虫氣魚御出也

九三日奉報來日蔭涼軒御成事也 天竜寺

梅室被下御置文之御判仍參謝于當軒也為
礼謝擇吉日可由寺家御成之由聊且披露之
九四日當軒御成御齋 普廣院燒香 當院

塔婆修造彼始之事被御覽也 詣于清和院

廿五日丹後国安国寺德音座公文御判被遊
也自香嚴院進物御練貫三重代六貫文高檀
紙壹貫五百文枚原五百文已上八貫文自嵯
峨不壞化身院參御小袖三重七貫五百文段
子一端三貫五百文盆一牧十貫文高檀紙一
貫五百文枚原五百文已上廿三貫文自雲頂
院御小袖三重七貫五百文高檀紙一貫五百

文枚原五百文以上九貫五百文當院塔婆請
取三通奉懸于御目也 當院領綺田百姓雖
成召文不參洛之事并備後園寺領遵行未出
之事伺之 命院奉行飯尾左衛門大夫也

廿六日

廿七日正脉院領江州岩根郷建松茂兵衛籠
者之事伺之命飯尾加賀守也猥不可有御宥
免之由願申之

九八日榊泉殿之事始今晨俗方御礼献榊太
刀也

九九日如是院膏菜一器青磁茶椀以伴勢備
中守披露之

晦日等持院殿榊年忌

五月

一日

二日榊誕生榊祈禱䟽御銘被遊如恒也来六

日當院榊成煎點但可申案内之由伺之 西

芳寺領江州酒人播之公奉坂新致緩急間可
被加榊成敗之事伺之即命于細藤遠江入道
可致成敗之由也細改作齋天童寺榊相伴給
仕以一人欠之故書立祥元唱食補其闕蓋伺
之万代參奉公之事伴勢守以兵庫助伺之竊
兼伴勢守以愚老所白致披露云兵庫助於殿
中語予也愚

三日万代又三郎被懸于御目也伴勢守以伴
勢兵庫助申之以前日所謂愚老吹嘘也 愚
四日東福寺永安院安堵之御判被下為御礼
参于御所懸于御目也献盆一牧金襴一端高
檀紙十帖也粽子百箇私拜領 普廣院當院
勝定院 當寺 寺持院慶雲院各百箇拜領
請取狀献之

五日奉報来晨當院御成可申案内之事

奉報當院御煎點奉又可申案内之事也

南禪寺洛中勸進相觸之事可命于雜色与三
大郎之事以南禪寺一華和尚之狀伺之安藝
國佛通寺一切經勸進帳御判事伺之御判被
遊也 伴勢被管野依主計白之 管領細河殿御

相伴被参也 諷經以後御燒香大名并外様
悉被参侍也南禪長老一華和尚以拈香故御
相伴

七日

八日松浦一庵勸合依鄉約束可有鄉免許之
由自管領細河殿被申之由披露之可有鄉免
許之由被仰出也依伴勢守所申披露之大龍
庵御成北日以後可白之由白之但播州宝林
寺領還附之御礼就本庵白之也

九日勝定院白蓮被分裁于鄉持佛堂前壺中
也于秋奉之

十日東福寺塔頭東光寺之門徒寺備前國毫
華寺領不知行之在所同國弘西鄉北方内寺
分半濟并敷地華房各一所豊原庄内安住寺
分同敷地 自嘉吉二年 守護方押領也 法隆

院太痴和尚以狀被申今晨伺之来北八日大
庵庵御成之事伺之庶苑寺奉行以飯尾加賀
守伺之松浦一庵勸合鄉免許以前被仰出之
記録書而奉懸鄉目也

十一日例日不參

十二日依魚鄉出而不參也但以前十日猿樂宴遊之餘困也

十三日 十四日

十五日鄉泉水湖橋之字以結城勳解左衛門尉奉懸于御目為可云今月中鄉成書之以春阿猷之

十六日鄉所御祈禱大般若如恒也晨起以後

申案內奉始之康苑院殿勝定院殿普廣院殿三院鄉筆法華經以卷阿彌被召御覽即覽被返置但在當軒鄉具足之內也

十七日

十八日懺法疏鄉銘 洪藏主代被書之但鄉休息依魚鄉出也

十九日林光院春淡和尚被猷等子二束以仔勢七郎衛門尉披露之當院就中屑俄有畫賊

之事以畠山次郎粗披露之

九日 九一日 九二日

九三日奉報來晨當軒御成齋之事也以無御
出之故以畠山次郎殿白也

九四日當軒御成齋 宝幢寺住持依不例

退院御免許新命永方面堂伺之仁和寺保安
寺三月二日御成御小袖三重九貫文小高檀
紙一束七百文枚原十帖四百文以上十貫百

文 南禪寺積善院御成卯月十三日御小袖

三重七貫五百文御盆一枚十三貫文段子壹

端三貫七百文枚原二束壹貫文以上貳十五

貫貳百文當院請取狀奉懸于御目也來九八

日建仁寺大竜菴以為小檀紙那之故山名金

吾入道可參于御相伴之由被仰也但赤松

大膳大夫以旧參之例伺之如此也依 普廣

院奉行以飯尾加賀守伺之但自寺家取望也

為代官詣于清和院也當軒脊罷普廣院御燒
香中居迨侍者之公事以其兄崗兵衛狀為證
明且披露之狀遣于迨侍者方也

九月日 西禪寺諸役免除之御判之事伺之即
免許也但以庶苑院殿御判奉懸于御日被為
旧規也 天竜寺諸給人押妨之事以使節可
被仰出于管領也以伴勢守被命于天竜寺奉
行飯尾加賀守同美濃入道也於殿中被仰付
于各馬頭殿也

九月日天竜寺方丈御成御点心 雲居庵御成
御齋 御小袖三重盆一牧段子一端高檀紙
枚原各十帖充各被獻之但寺持院殿并庶苑
院殿被進于關山之御書之文章重被遊而被
遣于寺家為末代龜鑑也蓋為其御禮被白御
成也天竜寺住持栴室和尚雲居住持子建和
尚也 於雲居庵御燒香室禪寺住持永方西

堂公文御判被遊也備後国善祥寺住持守誓
西堂公文御判被遊也西禪寺領丹波国神宮
寺保直務之御判雖成施行并遵行未被重可
被仰付之事伺之當軒未勘定之事為寺奉行
可督之由被仰出也叢林唱食贈華之事甚
華靡也可禁削之事被仰出也赤松次郎法
師就賀州奸訥之事可仰御礼明之事伺之當
寺長老天英和尚来月三日可被退之事伺之
天竜都聞乾高為懸于御目献三千疋即遣當
院塔婆之造管方也

九七日万壽寺領備前国山名相模守被管人
引由主計渡殘之事可被仰付之事伺之命于
飯尾濃州也奉報来晨大竜庵御成之事
九八日大竜庵御成煎點御小袖三重盆段子
高檀紙板原各十帖但播州宝林寺領還附之
御礼就本院被白御礼也山名金吾以為檀

那之故被參御相伴也 以無院主之故恭斗
和尚代院主被參御相伴也 筑前國淨滿寺
新命德珠首座日向國寺敬豕首座公文御判
被遊也 嗟哉善祥庵改比丘尼庵可作僧之事
飯尾左衛門大夫以為兄才望白之仍可被成
安堵之御判之由被仰出也 當寺敷地之荒
園御判被遊也 大龜庵先於昭堂御燒香
九九日前日所伺之嗟哉善祥庵領安堵之御
判可書上之由於清和泉守命之但依飯尾左
衛門大夫所望請也

六月

一日江戶一籠被猷于麻苑院殿真前
二日魚御出也 御祈禱既御銘洪藏主代被
書之 江戶一籠被猷于普廣院殿御歎也
依御徵恙自今晚諸五山御祈禱之事被仰出
也

三日依御徵恙於殿中真讀大般若經有之解
夏主寮諷經以兼球唱食伺之今日長老有退
故雖御徵恙之中以伴勢兵庫助申之即有御
点也 當寺住持天英和尚退院上堂頌曰万
年峰上一枝藤欲挂能今日扶吾早飯去可山
占取白雲層

四日御徵恙即平愈故天下皆有喜色也

五日當寺新命伯芳西堂公文御判被遊也依
魚御出以伴勢兵庫助申之

六日來十七日當寺入院御成吉日之事以伴
勢兵庫助伺之備前新田三箇保役吏工米京
濟之事以先規可被仰付之由被仰出也

七日大智院主因用和尚自康王院伺之即鄉
領掌也 祇園會就京極第如旧例有鄉成也
八日鄉休息

九日晴之鄉祈禱可命于寺家之由以飯尾左

衛門大夫被仰出也

十日同

十一日來十九日嚴仲和尚三十三回忌預於
法堂諷經仍於大智院御齋御成之事以伴勢
加賀守伺之可有御成之由被仰出也同

十二日同 十三日同

十四日同 暎誡本法華經依被尋下之時宜以
春阿進上也

十五日同 普廣院殿御代九日 御持佛堂佛
餉御燒香之後寺家御成之旧例以洪藏主被
尋下以永享八年以來五箇所之御成記之遣
于洪藏主方也 今月中御成書立以大館無
庫助猷之

十六日奉報來晨當寺入院御成之事也以春
阿白之

十七日奉報當寺入院可白案内之由伺之列

剝調而以行者白案內即御成伯芳和尚入院
煎點如恆也 管領細川殿依不例不被參仍
魚御相伴也 御小袖三重盆香合高檀紙板原
各十帖獻之為御禮被參于當軒也 遣唐船
正使天与西堂巨座增都圓并東班一人可加
之由以伴勢守被仰出今日於方丈伺之召增
都圓命遣唐使之事聊且領掌也

十八日奉報來晨大智院御成御舂先於法堂

諷經之事也 宝林寺領備前新田庄内吉永
保并赤松次郎法師知行分新田庄役工米以
先規支證可有御免之由被仰出仍命于神宮
奉行飯尾加賀守也 南禪寺瑞雲院 失案
堵御判事檀那一色左京大夫殿并大德院之
狀奉懸于御目也一色殿奉行松田丹後命之
十九日嚴仲和尚三十三回忌就于堂寺法堂
諷經御成御燒香於大智院御舂 春浩軒任

持南谷西堂御相伴被參御小袖三重盆篋子高檀
紙杓原各十帖獻之大智院主國用和尚以為
院主之故獻盆篋子杓原十帖獻之先於御所
之間南谷西堂次國用和尚奉懸御目也 廣
覺寺領越前袖尾宅良甲斐六郎次郎年貢之
魚洲汰之間直務之事以寺家連暑伺之先以
奉行可尋子細被仰出仍命飯尾左衛門大夫
也兩所篋子改被作香合二箇也兩所兩箱被

參于當軒也來北四日普廣院殿御年忌御成
并管領御相伴之事伺之

九日遣唐巨座妙增都圓應上命之由披露之
以伴勢守可申子細之由之 五月九七日天
童寺御成進物同乾高都圓三子足折紙之請
取奉懸于御目也 六月二日大童庵依播州
寶林寺領還附御成進物獻之同請取奉懸于
御目也 巨座之副使之奉召僧都圓尋之密

討之

九一日前九日所伺之事今日之事也誤之
九二日就善阿弥違例可與茶之由以春阿
弥被仰出也

九三日奉報來日普廣院御成事也 勝定院
普廣院常德院罪科僧行者普廣院殿身忘之
前御赦免以院主并寺持院主之狀伺之即御
免之由被仰出勝定院以仁和尚岷藏主普廣

院寺侍者常德院掾副寺常春行者也藤監寺
則於獄中逝矣万代又三郎任先規可為五番
衆之事伴執守伺之乃見命番頭大館也 善
阿小藏之由披露之

九四日早晨奉報普廣院御成煎點重可申案
内之旨也待案内御成即鳴鐘集衆 御点心
以後即鳴當院鐘拈香諷經如恒也 依住持
伯芳和尚違例崇壽院竜崗和尚代拈香諷經



以後鄉燒香 大上樣鄉成 善阿弥違例小
滅之由披露之詣于清和院 地藏佛餉御成
以前洪藏主被供之即鄉燒香自今日以旧例
被始之

九五日就地藏院領初并違例自管領細川殿
以狀被歎申也以飯尾加賀守并同左衛門大
吏於管領可被尋申之由被仰出也善阿弥小
滅之由白之 造宮役工未奉諸寺家未十五

日以前可有直進之由被仰出也 伴勢守以
間註取并飯尾加賀所白被命之即命于諸寺
院也

九六日

九七日善阿弥本復來晦日可致出仕之由披
露之曉來管領鄉成蓋十四日祇園會之旧例
也 就地藏院領之事管領鄉返奉來九九日
可致披露之由飯尾加賀守竊討之

九八日唐之深履可尋之由春阿奉之

播州宝林寺領役吏工米奉備前守護順行雖
洪之由披露之其雖洪之謂如何飯尾左衛門
大吏并四郎右衛門尉可相尋之由仰出赤松
次郎法師知行三箇保奉衆同前善阿病氣
平復今始出仕之由披露之

七月

一日大和凡各一籠被遣 庶苑院晉廣院慶

雲院之諸御歎真前也

二日御祈禱疏御銘被遊也洪藏主披露之
當寺住持伯芳和尚依歡樂退院之由披露之
以遠西堂以御劄法亦御吹嘸自院主瑞溪和
尚被申世旨故御允許也 今月中旧規御成
次第書立之奉獻之當寺夏中以遠西堂入院
不可有御成之由以春阿被仰也 赤松次郎
法師八幡之事五六兩月勤仕之由披露之来

元一日慶雲院殿御年忌御燒香御齊每年可有御成之由被仰出

三日

四日當寺新命以遠西堂公文御判被遊也

來元一日慶雲院御燒香御齊御成為御禮被

參于當軒之由披露之

五日越前龜翔寺當院末寺可被成安堵御判

之由院主瑞淡和尚以書狀被白魚子細之由

被仰出仍命于飯尾加賀守也當寺風呂材木

作州富美在鄉成敗之事伺之以伴勢守寺

奉行飯尾左衛門大夫可相討之由被仰出也

赤松次郎法師知行分就訴人所申每被尋下

其子細之由白之

六日播州安國寺還附之文證代々御判奉懸

于御目也以彼寺奉行御判之事可被仰付也

正脉院領江州酒人橋之事并茶園廣昌寺押

領事被仰付寺奉行齊藤遠江守也西芳寺領之

事誤書于正脉院領也正脉院領江州岩根卿
并豆州安久保之事布施民部大吏可仰付之
事即命于寺奉行飯尾加賀守也

七日今日今節有御歌之御會云云故不出仕
也但有御用則可應召也來十日八幡御參詣
故自來八日御神奉有之以前仕候鳴食被參
否之事伴勢兵庫助以周惠御坊被尋下若愚
老不記得則可向訊于淑首座之由被仰出即

召首座尋之答曰御參宮之時必不參也八幡
御參詣之時分明云々雖然詣不參歎之由被
申又以譽阿弥被尋下彼又一様白之以故愚
老并唱食又不可被參歎

八日自今晨御神奉之有益來日八幡御參詣
之謂也以故不參于殿中也

九日役吏工米之事於諾五山督之問註取并
飯尾加賀守依有折幣也諾五山可勤之返亭

有之

十日參詣于八幡但上御移徒普廣院殿御代之旧例也以炎蒸之故曉来七鼓之刻御發軫也還御之時又可如卅也
十一日今晨當寺以遠和尚入院魚御成也任持為御礼被參于當軒手後以上野殿參而披露之

十二日奉報来日晚来當院施餓鬼之事也

十三日奉報晚来當院施餓鬼御成可申案内之事也南禪寺一華和尚天竜寺梅室和尚依老菴或違和之事也退院御免許之自院主以書立被白之即御免許之由被仰出也渡唐正使天与西堂領掌官来十六日自信州可有上洛之事披露之副使本都寺召而可申付之由被仰出就渡唐之事以奉以本都寺為副寺為副使也七鼓之刻申案内即御成施餓鬼御成御燒香管領被參

侍也。等持院二夏三年之分退院之事伺之。
十四日奉報來日等持院御齋御成晚來等持
寺施餓鬼御成之事也。普廣院殿御成記錄
重清書可猷之由以春阿被仰出也。八鼓之刻
以案内即御成于等持寺施食諷經以後自施
食之前次本尊次開山後門觀音并諸尊靈之
前御燒香。遂當院昭堂猷水御燒香并本坊又
猷水御燒香如旧例也。等持寺當臈京極暨因

有之大石山名管領細川殿一色殿被參也。

等持寺松堂二夏三年之分退院之事被報之
旧例今日有普廣院御燒香去年日録以忘念
不訛之故。與御成。

十五日當院御成先於昭堂猷水御燒香并本
坊諸尊靈之前被立御筋而猷水御燒香。遂等
持院御成御靈前猷水御燒香。次本坊御齋也。
當晚山門施御成七鼓之刻可申案内之由披

露之昨日普廣院御燒香失念之由以春向申
之有御心得之由被仰出 点本法華經所曾
獻帛厚之故薄紙之本可尋之由被仰出也七
鼓之刻以案内即御成先於當院昭堂次本坊
獻水御燒香次山門施食御燒香大名被參仕
也次普廣院御燒香御獻水

十六日

十七日寺持寺新命瑞新西堂自院主之書之

伺之 南禪一華和尚天竜梅室和尚夏了退
院御免許之御礼披露之

十八日方丈御成以來月吉可被申之日披露
之来九八日御小袖御覽自九二日限一七日
有節神事故如我等唱食不可出仕也 来九
四日不可有御成也懺法疏御銘被遊

十九日寺持寺瑞訃西堂 妙光寺原韶西堂
廣覺寺德宗西堂公文御判被遊 播州宝林

寺領備前新田庄内吉永保役工米京濟之御
奉書雖被成下被守護雖法自寺家以狀嘆申
之故遵行雖法之上者重可被成京濟之御之
御奉書之由被仰出赤松次郎法師方同前被
仰也即於殿中命于因分之奉行飯尾齋藤四
郎衛門方也為支證自宝林寺本庵之狀以之
伺之即遣于奉行方也 尾州大山蓮臺寺本
尊灵佛觀音也伽藍也依薄壞而勸進之御奉

加之御判普廣院殿有之奉懸于御目為本證
文被遊也御馬御太刀被下也但先規如此也
春阿命之十八日申刻西明樓顛例仍任持以
遠和尚逐電但以癘壞顛例倒之故不為怪以
之院主瑞溪和尚以長老可被召還之由被仰
出即奉命于院主也

九日奉報來晨慶雲院御齋可申案内之事也
丹波国長安寺安堵之御判之事伺之代々御

判數通奉懸于御目也命于飯尾加賀守也

九一日慶雲院殿年忌以案内御成諷經以後

御燒香於方丈御寮管領御相伴被參也 大

上様御成大名并扨共衆被參也自當年可有

御成之由被仰出也 拈香大圭和尚

九二日御小袖御覽御神奉自今日被始之以

故自今日 九八日不出仕也 極真宗藏主

被召譽阿奉之 雲頂院外塔之後樹杯之枯

枝可截之由結城勘解由奉之

九三日前夕以譽阿弥御看經日談而今朝御

看經日課三段書而自院主被猷之以不參于

殿中故於當院西門以譽阿猷之佛禪并御先

祖日課之次御燒香之次并依被仰出重書而

猷之譽阿奉之

九四日為御代管詣于清和院 雲頂院之後

松樹枯枝可截之由以結城勘解由左衛門嚴

被仰出也今晨御佛餉并地藏像御頂戴依魚
御出被圖之

九五日江戶各五十籠南禪寺天竜寺被下但
旧例為無住持以首座之請取奉懸于御目也
春阿奉之

九六日法華經被看讀可被回向之事依之以
譽阿被尋下也一部讀了之後可被回向歎又
每日可被回向歎之兩之事又向訊等之事也

即与院主評白之法華經每日御回向為可也
佛神及御先祖之真前懇切御向訊為可云云
可被回向歎之由被仰出也譽阿奉之江戶
三十籠勝定 普廣 等持院 廣覺各被下
也

九七日

九八日今晨郊刻御小袖御覽前一七日有御
神事至今日以故不參仕也諸大名皆參賀也

法華經看讀之御回向自院主被獻回向之
詞甚多也減之可獻之由被仰出也即減獻之
江凡三十卷持寺笑雲和尚拜受之

九日清啓西堂為渡唐之正使自信州上洛
即建仁寺公祐御免之事被仰出也後任宗

永西堂之事伺之來七日持寺笑雲西堂入
院之事并來九日方御成之事伺之兩取有御
成之由被仰出也法華經以点本梗了而可獻

之由被仰出也春阿奉之舊六角退玄新六角
參待也

晦日

八月

一日依御憑之念劇不出仕也

二日御誕生御祈禱如恒也 洪藏主被參也

以例日故魚御出仍洪藏主代被書之愚老不
參也

三日建仁寺新命清啓西堂丹波国女国寺正
讚西堂播磨國法雲寺宗衆西堂公文御判被
遊也 當月中御成書立獻之法華經点之事
被督也以暖峨本為本證之由披露之

四日豊後國万壽寺令諸西堂撰津福嚴寺嚴
信首座公文御判被遊也建仁寺天与和尚未
十五日入院以後可申御礼之由且披露之

五日美濃國天福寺洪運西堂越後國米山寺
妙均西堂公文御判被遊也東福寺大雄庵庭
樹截取之事依自管領細川殿被詔申以使節
被尋也

六日信州建福寺曇都首座 出羽國金剛寺
本毓首座公文御判被遊也 御對面之後於
御持佛堂御燒香之時可有御手水否之事以
伴勢兵庫助於愚老被尋下答謹白有御手水
為然云云東福寺大雄庵從田首座被召依庭

樹之事被尋下也千秋奉之 法華經可被受
于康苑院瑞溪和尚之由被仰出

七日等持寺入院御成煎點大名被參 管頌
細川殿依虫氣不被參也披露之 筑前國禪

光寺生適首座肥前興聖寺慶章首座公文御
判被遊也 住持笑雲西堂為御礼被參于當

軒 東福寺大雄庵從田首座依庭樹截之可
出院事之由披露之 天神被遊之觀音經之

中二字与尋常經相違也東岳和尚可辨之可
尋之由被仰出也即呂奉尋之答曰管家秀長
外祖父也嘗曰慈意妙大雲以意作恩尤殊
也如日虚空住以作住雖然任字雖會也看讀
諸經未及見此義云云昨日以答阿被仰出又
今日語話之次被仰出也千葉蓮華自江州獻
二其奉華重置雖為奇不結實之由被仰出也
又曰水蓮者無種子被仰出也有種子則畝界可

充滿也魚種子則又為希有洪笑話遂御成于
高倉御所也觀音經二字之異奉恩作音也自
寺持寺御小袖三重華鬘子一端堆紅盆一牧
高檀紙杖原各十帖獻之御引物則長老私獻
之也法華点之事二三日之間可獻由披露之
八日

九日當寺方丈以遠和尚入寺御礼被申御成
也御小袖三重盆一牧鬘子一端高檀紙杖原

各十帖獻之地藏院當知行并守護不入安堵
御判之事伺之先御代御時以宝院諸大名隱
密之事申之又被仰出然則可知旧否又以誰
人可申否之事以狀被申之仍伺之有御思案
而重可被仰出之由被仰出故以寺町三郎左
衛門返答之自方丈遂於普廣院御燒香但前
月御懈怠之謂也地藏院安堵御判奉命飯尾
加賀守也

十日前日紅櫻華一株御寄進于當寺鎮守社
前也

十一日法華經点之事今日点檢而可被猷之
由披露之法華被仰于院主瑞溪和尚仍藏首
座證藏主預

十二日点本法華經自院主被猷之暖峨本法
華經被返下之来十八日鹿苑院瑞溪和尚於
御持佛堂下之間御對面之後可有御受經也

同九七日受經滿散之日被仰出也建仁寺天
与和尚同宿智唱食以棧嚴頭之功度僧之事
被嘆申即御免許之由被仰出也

十三日依前日於一色殿之所御成御困睡今
晨魚御出也

十四日

十五日撰州廣嚴寺當知行并不知行播州淡
河庄之内三名之事伺之守護使不入之事以

勤解由小路殿施行并赤松延齡遵行伺之難不
公方御判可有御免許否之事可尋于奉行也
来十八日法華受持之事懇切可看讀之由被
仰出也 善阿宿所之事命于寺家之由披露
之八幡神人雖致訖詔遂神幸云云今晨所伺
之廣嚴寺安堵之御判也奉以寺家所好命于
飯尾加賀守也勤解由小路殿施行可順御判
之由加賀守語于予也

十六日

十七日自朝鮮國報聘之船一艘乃漂去一艘
乃沉没是故重有朝鮮書披露此事且於御前
讀之 廉苑院領三川國赤羽祢婦有破損船
自郡代方打入盜妨狼藉剽放火政所之由自
院被嘆申旨披露之即可改郡小代官還奪
取賊物止已獲縉之旨於一色方被仰出且可
被成御奉書之由有命 大雄菴之事以東福

寺申狀披露之彼菴之事退役傳首座黨自寺
家可付穎旭上座之由被仰出 當寺長老以
遠和尚以明樓覆若乱墜之事祿病求退御免
許也靜甫和尚再任之事与院主相謀而伺之
即有其命也 建仁長老天与和尚一宿而昨
日退院来日可懸御目之由伺之盖以有渡唐
正使也

十八日懺法疏御銘被遊 天与和尚建仁入
院之後為御礼被參仍献盆一枚香合一箇高
檀紙十帖献之依為渡唐正使之功也 法華
經御受持之事自今日被始之當寺靜甫和尚
再任之雪庵西堂器用之由粗披露之於其時
節重与僧録可被仰出也 法華經御受持一
之卷了畢也

十九日法華二之卷了畢也以来日九日例日
故来九一日可被參之奉伺之 建仁寺宗永

西堂公文加賀國万福寺祖傑首座筑前國聖
福寺壽皓西堂御判被遊也 當寺再任薛甫

和尚入院吉日擇今月九七日例也

九日例日不參也

九一日法華經三之卷終之御對面之後有奉
行披露之事以後有御受經之事

九二日越前國志津庄總持寺并塔頭傳泉院
同寺領寺當知行安堵御判之事以前雖伺之

奉行布施下野守未書立之仍伺之重可命于
布施之由被仰出也赤松次郎法師就大館兵
庫助賀州知行分之事以訖狀白之御紀明之
間可相待之由可命訖人奉行松田丹後守之
由被仰出也皆歡喜也 法華四之卷了之
赤松次郎法師与京極方通好可評公役之時
宜之由以上意竊定之即諭于京極方也次郎
法師之徒又皆歡喜之

九三日奉報來日蔭涼御成之事也 法華五
之卷終之

九四日渡唐巨座妙增都團紹本都寺懸了御
目各猷子足為兩巨座被仰出之御禮也 法
華六之卷終之蔭涼軒御成御舟 普門寺新
命元璘西堂任持速退而祥觀西堂可任蔭之
由被仰出也 叢林帽子近來改樣子云云甚
為不可如旧樣之由可相觸之由被仰出也普

廣院御燒香 詣了清和院也 越前竜翔寺
安堵御判拜領為御禮猷子足被寄進了當院
塔婆造管方也 兩巨座所猷之貳子足之分
以於殿中被猷故立阿弥賜之
九五日越前瑞勝寺領諸方押妨之事伺之
法華七之卷終之

九六日

九七日法華經受說滿散 盆院子被賜也

晚來可有龙大臣云宣之御礼也

九八日今晨有龙大臣之参贺也 公家并武

家跡大名外様近習悉参贺也

九九日御相伴衆為 龙大臣轉位御礼参贺

也 康苑院瑞溪寺持院竺雲 相國靜甫

宗壽竜崗 寺持寺笑雲 蔭涼某 万松仙

岩 香嚴院修山 聯輝軒 永俊侍者参贺

永俊侍者自東面被参也

九月

一日

二日御誕生疏御銘被遊也 天竜寺新命子

建和尚伺之今月用山忌旧例御成書立之献

之疏三盆觀音小像自聖護院献之松茸小拵

一合康苑御歎并勝定院被賜之南禅寺再住

以雲章和尚書立之當院領三河赤羽庄一色

殿郡代緩急之事以同安重披露之以伴勢守

被仰付于一色殿也 松茸小折被猷普廣院
也松茸小折一合被猷于慶雲院真前也 最
林帽子舊樣之事唱食額髮舊樣之事命于僧
中也 爰峨本法花經点畫分明之本可尋進
上之由 二日以春阿被仰出也
三日
四日前日以春阿猷仙翁花一箇也以無筆故不卷
五日不參也

六日天童寺新命建子和尚公文御判被遊也
来十六日御祈禱御布施之事以伊勢守被仰
付于飯尾左衛門大夫也以前御布施五箇度
懈怠之由披露之

七日明白之法華經可尋猷之由以春阿被仰
出也 沐浴之御暇之事以春阿伺之即御凭
許之由被仰出也 寺院之額明日可被遊之
由被仰出也

八日法華經二部奉懸于御目被返下別本可
相尋之由被仰出也光雲寺積善庵 大德院
宝陀岩妙湫越前祥雲寺金粟山大機庵額被
遊也 益之白之

九日

十日為御養生暫不可有御出之由被仰出也
小法華經以朱加點并聲可猷之由被仰出也
三十日緣佛 記錄而可猷之由被仰出也可

随三十番神之本躰歎与康苑院可奉談之由
被仰出也九六日雲頂院松茸之御成之事被
仰出也 小法華經可指點四聲之由以春阿
被仰出也

十一日普門寺新命元璘西堂備後國壽勝寺
如辰首座公文御判被遊也 建仁寺光勤唱
食以小維那之功度僧之事御免許也 天授
庵勸進之御奉書之事以朝藏主申請即御免

許命于飯尾加賀守也 高野金剛三昧院領
就大内遵行雜法之事重御奉書可被成之由
被仰出也三十日之緣佛調料紙書寫而可猷
之由被仰出也明白法華經可尋猷之由被仰
出也 小法華經可加點之奉先可圖之由以
春阿被仰出也如意庵被成于天竜寺之御奉
書命于布施下野守也 一日定光佛二日
灯明佛三日多宝佛四日阿闍佛五日弥勒佛

六日二万灯明佛七日三万灯明佛八日茶師
佛九日大通智勝佛十日日光灯明佛十一日
歡喜佛十二日維勝佛十三日虚空藏菩薩十
四日普賢菩薩十五日阿彌陀佛十六日陀羅
尼菩薩十七日竜樹菩薩十八日觀世音菩薩
十九日日光菩薩二十日月光菩薩廿一日魚
尽意菩薩廿二日施魚意菩薩廿三日得大勢
菩薩廿四日地藏菩薩廿五日文殊師利菩薩

九六日某上菩薩九七日毘盧遮那佛九八日
大日菩薩九九日某王菩薩晦日釈迦牟尼佛
件々記録献之仍調料紙以清書可献之由以
春阿被仰出也

十二日

十三日

十四日来十六日御祈禱布施之事飯尾左衛
門大夫命之當院領赤羽左百姓遷任之事

可被成御奉書之由伺之即今于院奉行飯尾
左衛門大夫之由以伴勢兵庫助被仰出也

十五日當寺并當院勘定等怠慢之事以伴勢
守被命飯尾左衛門大夫并大和守今日中湊
都聞可遂勘定若及難決可有御罪科之由被
仰出也 奉報来晨御祈禱事也

十六日早晨於取私之御庭如旧例御祈禱謹
白案内奉始之前日當院領作川英田摘原湊

都園勅定以上意成之故今晨自院主被申其
御礼也 前日兩奉行證明也

十七日播州宝林寺新命良藤西堂肥前国正
觀寺新命東伯西堂公文御判被遊也建仁寺
正荀唱食度僧御允許之宝益唱食吏代之奉
伺之建仁寺字江和尙被白之

十八日真言塔如旧猷走 懺法疏御銘洪藏
主持參也 信濃国慈雲寺新命充松首座參

河内長興寺新命等桑首座公文御判被遊也

十九日

九日三十日之諸佛記猷之別本記而猷之由
被仰出也 畠山衛門亮殿依上意没落五鼓
之刻

九一日法華經点而可猷之由畠山七郎殿被
仰出也 三十佛之畫寫之樣奉懸于御日被
為可云云

九二日伊勢国安国寺景中首座備中国宝福寺宗亮首座公文御判被遊也以伊勢七郎衛門申之

九三日普門寺新命祥觀西堂 豐後国崇祥寺惠後首座公文御判被遊也 奉報来日寺持寺用山忌御成之事也

九四日寺持寺依御出氣魚御為御成代管諸清和院

九五日

九六日雲頂院松茸御成御齋 御小袖三重御扇子廿柄高檀紙十帖松原十帖被献之法華衆日親法師魚垢淨院依肥前国以諸宗改法華可被罪科之由被仰出也飯尾左衛門大夫与伊勢守可致談合由有之當寺風呂之杖木依作州守護魚沙汰自寺家可取進之由以長老靜甫和尚并大勸進仙岩和尚之狀披露

之即可屬寺家之由被仰出也命于寺奉行飯尾
左衛門大夫也天竜寺給人方押領之事以寺
家連書之狀披露之以飯尾美濃并加賀守於
管領細川殿可督之由也南禪寺雲章和尚以
狀被申稜嚴頭嚴春唱食小維那啓齋唱食度
僧之事可有御免許之由被仰出也 普廣院
文溪和尚為塔頭安堵御禮獻千足被懸于御
目也以千足下行之又次即真言塔之賃也

廿七日奉報未晨當院御成之事也 聯輝軒
永俊侍者燒香侍者一夜可立之由被仰出即
命于方丈也

廿八日當院御成煎點以案内有御成也 建
仁寺都圓祥聚都寺 以臻都寺書立之以上
首有御点也 建仁寺祥雲院領不知行地之
事以彼狀白之命 飯尾左衛門大夫方也
大智院領尾州内海庄廻舩公事一色殿被管

人押妨可停止違亂之事命飯尾左衛門大夫
方也香嚴院領美濃国遠山庄大井卿別當
職之事如先規可有成敗之由命于飯尾左衛
門大夫也三十佛名号書而奉懸于御目為
然也書外頭可猷之由被仰出也奉報来日宗
壽院御成事也晦日暖戒同山忌御成之事伺
之不可有御成之由被仰出也今農當院大名
被參也大井卿別當職之事命飯尾加賀守

也上誤書飯丸也香嚴院修山和尚依賜守
護不入之御判猷千疋折紙被懸御目也書
三十日諸聖名号并外題以春阿猷之外題乃
諸聖名号四字也上有以字也
九九日宗壽院御成煎點諷經以後御燒香御
齋大名被參也三會院末寺播別瑞光寺秋原
之公事以狀白之命于飯尾四郎左衛門也祥
雲院真西堂之事依右衛門助殿没落之事可

被仰付飯尾左衛門大夫之由被仰出即命飯
尾左也當院赤羽成敗之事一色方以伴勢守
重可被仰付之由披露之以案內有御成也
晦日玉潤軒末寺江川西蓮寺之事以狀白之
命于飯尾加賀守也赤松次郎法師就大館兵
庫助公事披露之當院赤羽書下之事被仰付
一色殿之事白之松茸折各一合勝定院并普
廣院被拜受當院并相國寺九八日被拜受也

閏九月

一日伏見藏光院獻松茸折一合

以伴勢兵
庫助白之松

茸折一合慶雲院被賜也當院領三川國末羽
衿破損之事可違亂之由一色殿折紙被出之
乃以伴勢兵庫見白于殿中而賜之

二日御誕生御祈禱疏如恒被遊也觀音像御

頂戴

洪藏主
被申也

松茸折一合等持院竺雲和尚被

賜之以折紙獻之松茸折一合持寺笑雲和尚

被賜之

三日法華經奉懸于御目如暖冰本以黑點并
四聲又以朱可点其句之由被仰出也一月配
當之三十日以墨可書之由被仰出也法華堂
本法寺以罪科被破却即以旧例被下于坂者
也西芳寺紅葉御成之事来十五日至上日之
間可為盛紅之由伺之依世上紛冗不可有御
成之由被仰出也松茸折一合愚老被下即猷
折紙但春阿奉之乃每年之恒例也

四日南禪寺御成前御給仕雲翰唱食姓飛鳥
井家有御点也不壞化身院領小笠備前押領
之事以狀白之飯尾加賀守致披露可成御奉
書之由被仰出也法華宗日新法師可被召上
之事以官領細川殿被仰付于子葉介也世旨
以伴勢守被命右馬頭也

五日御袈裟可有進上由以春阿被尋下魚一

頂之由申之

六日寺持院竺雲和尚寺持寺笑雲和尚依兩寺
寺領越中五位在直勢之訴詔以狀被款申之雖然
勝定院殿御代以御判被成于真觀寺殿而代官
職之事被仰定之上者不可訂之由被仰出也赤松次
郎法師就大館兵庫助之訴詔以卅方奉行布
施下野守可申之由被仰出也

七日先御代御成記錄書獻之外題書日先御
代御成記錄也越前瑞勝寺領不知行御奉書
以前申狀書落之由地有之重伺之命飯尾加
賀守也

八日前記錄者可于今日八日也誤在于七日
也

九日但州因通寺內聚慶軒領押領因幡國味
和鄉半分之事守護押領事以遠碧軒并山名
金吾之壯披露之即命飯尾加賀守也依三十

日之佛以春阿被尋下也

十日三十佛之書立春阿猷之大日菩薩御不
審之事於院主瑞溪和尚尋來由可被註申之
由被仰出也

十一日不參

十二日乾章藏主依江州坂田郡長崗莊內法
音寺并祥雲庵京極四郎押領以目安并證狀
申之即命飯尾左衛門大夫也被尋京極入道

而可有御成敗也

十三日前日所伺之乾章藏主之目安渡之于

飯尾左衛門大夫方也江州金剛寺唐納豆箱

二箇猷之進上折紙魚之

本六箇

十四日前日金剛寺納豆以昨日例日故今晨

猷之

十五日當寺領富美材木遵行雜法之事重披
露之以左衛門大夫堅被仰付于守護方也山

上含空院御奉書可被成之由被仰于飯尾左
衛門大夫也勢川守正名之内款原章論之事
也

如本但安乎

十六日永尖院梅樹五本可据進上之由召僧
命之芬陀利華院樹石可被之由千秋奉之即
命于寺家也菊華猷之禪佛松樹二株猷之永
安院猷梅五株

十七日大日如來与菩薩分別記錄之事自院
主被申之由披露之侍一左右重可致披露之
由謹白之芬陀利華院猷蘓木一株庭石十箇
也

十八日懺法疏御銘被遊也真言塔下并觀音
像御頂戴也洪藏主被申也

十九日例日不參也

廿日

廿一日信京唱食度僧之事長老以五年棲巖

願之寺功以狀被申御免許之由被仰出也來
廿四日當軒御成御齋并普廣院御燒香之事
伺之

廿二日不參

廿三日奉報來日當軒御成之事也就三寶院
之事可尋管領之由被仰出也

廿四日依御虫氣今晨當軒御成御延引之由
以伴勢兵庫助被仰出也晚來普廣院御燒香

廿五日就三寶院被申之事自管領之在今日
以例日之故不參之故不致披露期明日也

廿六日管領之狀二通今晨奉懸御目仍御不
審即解而御快然也

廿七日三十諾佛之内大日如來之事改書可
獻之由被仰出也可添南無二字之由被仰出
廿八日不參

廿九日播州瑞光寺就紙之公事坊城家遵行

雖澆之事以狀白之即命飯尾四郎左衛門尉
遣彼狀也不壞化身院江州寺領小笠原不度
之事白之彼狀遣于飯尾加賀守方也可有糺
明子細之由被仰出也

十月

一日

二日御誕生御祈禱疏銘被遊也來十五日鹿
苑寺御成御齋之事伺之播州瑞光寺就紙之

公事坊城家遵行出之飯尾四郎左衛門尉白
之西芳寺領江州酒人之事齋藤遠江入道白
之比來寺家公事諸方怠慢之事於諸奉行嚴
可被仰付之事竊伺之

三日西崗寺安堵之御判事伺之先御代御粟
判奉懸御目也

四日津智寺領伴豆國加納卿布施民部押領
之事自寺家訥詔之旨披露之即以飯尾左衛

門大夫并加賀守於管領有御尋也富美莊當
寺材木守護遵行雜談之由披露之堅可致沙
汰之由以伴勢守被仰付飯尾左衛門大夫也
五日法華經加點奉懸御目也外題書而可猷
之由被仰出也三十佛之名号以印写之本可
書之由被仰出也

六日

七日点法華經外題書而猷之日課之日書而

猷之赤松次郎法師加賀國守護代為越中責
應上意出陣之由披露之黃材折各一合自臨
川寺并三會猷之

八日不參

九日富美材守護遵行雜談之事以長老靜甫
和尚并仙岩和尚之狀重可被仰付之由披露
之今晨初雪於殿中有御宴也

十日

十一日依御虫氣血御出仍不參也

十二日例日不參

十三日依御虫氣血御出仍不參

十四日魚御出明日鹿苑寺御成被略之由被
仰出也經王掌之下有死人之由松梅院方註
進之仍依其觸穢如世也

十五日三十佛書立以伴勢兵庫助猷之大德
院々主書立梵芝西堂梵等西堂伺之等西堂

為本等之僧可然之由衆中望之仍有御点也

十六日魚御出仍退參也

十七日公方大綱与之事為明樓修造自寺
家仙岩和尚被申之以伴勢七郎衛門伺之魚
子細之由被仰出即余千秋也

十八日魚御出仍不參也

十九日魚御出也

廿日同前

次一日作刈守護山名兵部少輔依富義莊材
木遵行被出飯尾左衛門大夫可懸于御目之
由白之仍披露之來次四日雖為例日可有御
成之由被仰出也

次二日信別安國寺惠鑑首座薩摩國大願寺
聖近首座公帖御判被遊也五辻淨林寺敷地
并寺領奈良東南院讓与景文西堂後又契紉
休耕院以金吾并文西堂之狀披露之以奉行

可被聞召之由被仰出也但裏築地家之押妨
之義也自今日清和院皮堂芝菜師堂三日可
有御參詣也但自今月三箇月大盡之御祈禱
也

次三日攝州極賢寺承兵首座丹後國雲門寺
用周平潔首座公文御判被遊也當院主退之事依
御先紉堅被申之披露之先可有御免之由被
仰出也奉報來日御成也

廿四日奉報當軒御成之事也當軒御成御舟
知惠光院領濃州船木在內十四条守護被管
人崗部押妨被成御判可被仰付之事以大上
様御狀披露之可命齊藤遠江入道之由申之
普廣院御燒香為御代管詣清和院也公方様
三日御參詣于清和院皮堂芝菜師堂滿散也
昨日賜湯山御暇也 春阿
奉之
廿五日不參

廿六日不參

廿七日伴豫国善應寺善察首座公文御判被
遊也来晨湯山湯沐赴之由披露之等持寺中
職藏主加永球上坐月俸可被下之由依訴詔
申可有御免之由被仰出也即以狀命等持寺
也赤松次郎法師愈可被加持之由竊披露
之有御快然之氣色甚喜之

廿八日以御暇赴湯山也

廿九日

晦日

十一月

一日 二日 三日 四日 五日 六日

七日 八日 九日 十日 十一日 十二

日 十三日 十四日 十五日 十六日

十七日 十八日 十九日 廿日

廿一日自湯山及昏黑飯洛也

廿二日今晨参于公方以春阿然類茶六器也

於御對面所謹白湯沐飯洛之御礼也

廿三日奉報来日當軒御成之事也以大館兵

庫助謹白之

廿四日謹奉報當軒御成之事也當軒御成

御所當院主書立東岳和尚龍崗和尚伺之以

上首有御礼点也大智院領内海庄廻船之違

乱一色兵部少輔方被申可預御成敗之訴狀

披露之即命寺奉行飯尾左衛門大夫也為御
代管詣于清和院普廣院御燒香也

廿五日當院主東岳和尚移徙之吉日重可伺
之由披露之殿中小童成唱食而可使為瑞溪
和尚弟子之由被仰出愚僧同道而行瑞溪即
名以壽文也伴勢守奉之

廿六日晦日鹿苑院東岳和尚入院吉伺之三
會院仙英和尚交代伺之當寺長老靜甫和尚

依不例若有退交代以雪庵和尚預披露之

廿七日不參

廿八日賀別禪昌寺為安堵鄉礼猷貳千足奉
懸于御目也香嚴院別當職之公事并三聖寺
安堵之公事飯尾加賀守伺之預先白也

廿九日

晦日出雲路願成就院門徒以連判与達于範
林照藏之由伺之可被成御判之由被仰出也

命于飯尾左衛門大夫也鹿苑院東岳和尚今
晨入院于當院被參于殿中之由今且披露之
雖然依遲參無御對面蓋衰老忘前失後之急
慢之謂且披露之來月二日可有參賀之由預
白之

十二月

一日

二日御誕生疏御銘被遊也當院主東岳和尚

獻金絲盆毘子高檀紙被懸于懸目也南禪寺
依魚新命人躰竺華和尚再住之事伺之即有
御点也當寺御相伴給加增以周寅唱食長林
唱食伺之即有御点也今月中御成書立以春
阿猷之

三日来十八日勝定院殿拈香以竹香和尚天
英和尚書立之即伺之以上首竹香和尚有御
点也万壽寺長老依久痾退院之事伺之乃有

御光新命自敦西堂伺之乃手為有御点也慈恩庵
領三河国守利莊之事有競望之人申給之由
有風聞故伺之曾魚其事之由被仰出也代々
御判懸御目也文書有半分之語御不審有之
慈恩菴主乾璜房之狀并景晷懸之御目也来
十八日勝定院御齋御成之由披露也
四日

五日今日戌刻御泉殿御移徙之事有之故被
閣諸公事也仍不致披露也
六日依御泉殿之參賀而今晨不致披露而退
參也

七日御相伴眾為御泉殿御參賀被參於御對
面取最先御對面有之鹿苑東岳等持院竺雲
崇壽龍岡寺持寺笑雲蔭涼某相因靜甫依不例
不被參也奉報来晨蔭涼臘八御成之事也御
泉殿詩之贊書之器用十二頁可申之由以結

城勘解左衛門被仰出也但可賜畫樣之由有
之

八日奉報當軒御成之事并御点心之事也御
成紅糟御点心并御齋慈恩庵任持乾璜上座
依寺領魚相違而獻千疋以代僧奉懸于御目
也萬壽寺新命自敦西堂公文御判被遊也參
河守利狂半分者慈恩寺半分者慈恩庵領之
事依御不審而書立奉懸于御目也天竜寺都

圓鏡高以狀白之中演監寺依眾科被召置雖
被申宥免之事不可有御免之由即御領掌也
東福寺門前八町公事披露之白雖然自性古
雖致八町之檢新於酒麴之公事不被免許之
由依飯尾左衛門大吏所白而被仰出也奉行
布施下野守被成奉書之時加酒麴之二字云此
趣諭于寺家但依寺家之一左右重可伺否當
寺長老靜甫和尚依不例今日上堂以後退院

御免許之由依院主被申即御免許也新命之
事明日可伺之今晨御成院主東岳和尚崇壽
龍崗蔭涼某參也長老不例有退院故懈怠依
也湯山弥陀堂勸進用山国師被題和歌二帳
首而鹿苑院殿勝定院殿勸進御名判有之至
春可懸御目之由預披露之善阿以御庭之切
被下五子足其喜報于愚老仍披露之湯山湯
沐之次往于鎌倉各一覽其勝槩之由披露之

慈惠庵為代被懸于御目之其僧名曰乾竜侍
者也阿弥陀堂用山御歌曰

タフリテアメノフリヤトナリニケリ佛ノ

アタシイサヤフセカン

阿弥陀佛ノ淨土ニ入トス、ムレハ下品十

リトモ又タリヌヘシ

九日谷響集一冊月庵法語一冊手本十一絶
海和尚手蹟軸二以春阿御所被召置也於小

侍取渡之蓋御泉殿被置之欵

十日例日不參

十一日御泉殿御障子贊詩之人數十二頁書
立之奉懸于御目御仍以前八景贊詩人數被
尋下也當寺新命雪庵西堂伺之就維馨西堂
之事被仰談于院主以其返事重可致披露也
十二日當寺新命雪庵西堂伺之有御仇点也
御泉殿贊詩之人數伺之寺持院竺雲和尚與

德寺春林和尚室渚庵雲章和尚鹿苑院東岳
和尚正卯庵存耕和尚壽德院瑞溪和尚栖芳
軒東沼和尚林光院春溪和尚崇壽院竜崗和
尚雲門庵大圭和尚灵泉院九淵和尚常喜庵
華亭和尚伺之世衆贊詩之事可申之由被仰
出也御泉殿北面之御座以南方為上首主賓
相兼可歷之由被仰出也来十九日保安寺御
成被乘御車有御成御室御取也保安寺御歡

喜之由被申其趣披露之自大上樣以維馨
西堂有堂寺之御吹噀与院主東岳有評論仍
院主谷被申以所維馨西堂有大智院之笑而
退身去有御免許被召出仕洛也雖然若有
御登用則今度雪庵以後可被用欵之由被申
披露之御領掌贊詩之繪樣十二枚自結城勘
解由左衛門方出也各可遣贊詩之方也
十三日當寺新命雪庵西堂公文御判被遊也

安國寺新命良聚西堂公文御判被遊也為寺
家修理以先規官錢餘分被申也贊詩人數之
次第等事申付結城勘解由左衛門大夫之由
披露之良聚西堂之書立伺之有御札点也誤
書之御判也

十四日来十九日當寺雲庵西堂入院可有御
成之由依伺吉日被仰出也来十五日御晴过
固之奉一条万里小路東北方赤松次郎法師

被仰出也雖為幼少致出仕可歎亦伴勢守護
之次被申仍命于浦上掃部也入院之時有御
成尤寺門元輝之由伺御成吉日之次披露之
某日御室御所有御成又寺家可有御成也
十五日大臣以後御拜賀御參内五鼓之刻香
車揚塵繫華傘目也薄暮大雪呈瑞也

十六日不參

十七日奉報来月勝定院御齋令申案内之事
也

十八日東岳寺持院竺雲宗壽院竜岡寺持寺
笑雲院涼某万松軒仙岩香嚴院修山聯輝軒
俊侍者被參礼也以案内即勝定院御成遂於
御棧敷拈香竹香和尚諷經了御燒香於本坊
御齋拈香又御相伴被參也安国寺新命良聚
西堂公文御判被遊也東福寺再任大癡和尚
天童寺御相伴以度僧願書立周松唱食承瑜唱

食加之玉潤軒領脩中井原在自南瀧院被致訴
詔魚謂之由以連判之狀白之竊披露之等璋藏
主讓与宝山和尚之狀奉懸于御目俱自南瀧院
被白則可預禪究明之由披露之奉報來日當
寺入院可令白業內之由披露之明日御室御
取禪成於保安寺被乘御車可參侍否之事伺
之依旧例不分明被圖之仍不可參也贊詩泰
被督也

十日奉報當軒寺入院御成之事也搥門御
成山門次佛殿次室次方丈御点心上堂御舂
長老雪庵和尚管領細川殿御相伴被參也近
來長老被參于蔭涼故魚御對面奉還之愚老
誤可被參之由報之仍被參也点檢先規之記
錄不參也仍書之奉懸于御目也奉報來日蔭
涼軒御成疏御銘被遊也御小袖三重盆
堆朱
既子高檀紙杵原各十帖被參也獻諸老贊詩

被出色紙則可被書進之由白之長老雪庵和尚如近來之例參謝于當軒也

次日早晨奉報當軒御成之事也當軒御成御點心以後疏御銘被遊了与諸老御對面回訊退參也御齋來次日大德院御成御相伴一色殿被參之事伺之梅花一枝獻之御相伴眾喫飯飽可被喫也比來喫飯不足被御思食尚諸老可奉命之由以保勢兵庫助被仰出也兵

庫可改備中也

次日西芳寺領茶園并藏拙庵領又江州酒人播債之事違乱不渡之由以西芳寺項之狀披露之寺奉行齋藤遠江入道無沙汰可督之由被仰出也即命之越前瑞雲寺之事齋藤四郎衛門披露之修山和尚就養源軒領之事披露之飯尾加賀守白之色紙可尋之由以結城勘解由左衛門尉被仰出也

次二日奉報來日大德院御成之事也以畠山
次郎殿白之

次三日早晨奉報大德院御成之事也奉行披
露以後御成御齋御宿直物一領毘子淺黃御
扇子廿柄高檀紙十帖猷之院主梵筭一色殿
以旧例御相伴被參也院主為御礼被參當軒
也南禪竺華和尚以上生院殿慶林唱食度僧
之輩并天竜寺子建和尚以御前御給仕景温

唱食度僧之事以狀伺之奉報來日蔭涼軒之
御成事也

次四日奉報當軒御成事也御成御齋東福寺
為學以肥前國法泉寺諸山列之事以連判被
申今晨伺之御免許之由被仰出也東福寺奉
行布施下野守可被成可為諸山之列之御奉
書之事即召布施雜掌命之普廣院御燒香為
御代管詣于清和院也公方又自今日參詣于

清和院兼園三日可為有御參詣之由云但園
月之時如卅有御參詣也蓋以先規也
廿五日當寺新餅獻之但洪藏主被白之天
寺御前給仕守勢唱食壽氣唱食以書三伺之
上首有御点也章藏主江州寺之事明日飯尾
濃州并同名左衛門大夫可伺之由被仰出也
賀別禪昌寺安堵御教書望白之由披露之可
被下之由被仰出也即以卅命報飯尾加賀守

也御參詣于清和院但三日之内也

廿六日梅津長福寺買得之由如本地可被成御判

之事以狀被申伺之即命飯尾左衛門大夫也

但慈易侍者買得之事也御障子贊詩加地各

可被書五行之由被仰出普廣院殿御代御泉

殿御座障子贊詩被題之色紙之色不分明也

故竺雲和尚春林和尚瑞溪和尚記得否之事

以結城勘解由左衛門尉各可尋究之由被仰

也即以狀遣之以返章可懸御目也南燭自
今晨被召也

廿七日以色紙之色不分明記得而贊詩可被
書之事先當年被閣之以來年可被仰付之由
有之當院新飯猷之但洪藏主被白也

廿八日御障子色紙之色依經年月不記憶之
狀命春林和尚并瑞溪和尚取之以結城勅解
由左衛門奉懸御目也

廿九日

晦日歲暮御札於御對面取最先御對面如恒
也當院并普廣院御燒香之事御對面之次伺
之即今可有御成之由御領掌也即今當院御
燒香并普廣院御燒香也御直歲垂廿七具御
袴二為御袈裟被出之但兵衛亮殿奉之即猷
請取狀也證藏主參侍也

静思堂之修補主考印

静思堂之修補主考印

静思堂之修補主考印

静思堂之修補主考印

静思堂之修補主考印

静思堂之修補主考印

静思堂之修補主考印

